

# THESES EBRAICÆ

QUIBUS

*Veterum Philosophorum Doctrina*

## SCHOLÆ ZETETICÆ

Ex qua primùm ducta est, restituitur:  
propugnatz in Collegio Romano

SUB AUSPICIIS

*Eminentissimi, ac Reverendissimi Principis*

## LUDOVICI

TIT. SANCTÆ Mariæ TRANSFONTINÆ

S. R. E. PRÆBITERI

CARDINALIS BELLUGA

A B

ANGELO ANTONIO MASSA

*Lingua Sancta Auditore:*



B

ROMÆ, MDCCXXV.

Typis Komarek, in Via Cursus prope Plateam Sciaræ.  
Superiorum Facultate.

# THE HISTORY OF THE CITY OF BOSTON

FROM THE FIRST SETTLEMENT  
TO THE PRESENT TIME

BY  
JOHN H. COLEMAN

VOLUME I  
THE FOUNDING OF THE CITY

FROM THE FIRST SETTLEMENT  
TO THE PRESENT TIME

BY  
JOHN H. COLEMAN

VOLUME II  
THE GROWTH OF THE CITY

FROM THE FIRST SETTLEMENT  
TO THE PRESENT TIME

BY  
JOHN H. COLEMAN

VOLUME III  
THE DECLINE OF THE CITY

FROM THE FIRST SETTLEMENT  
TO THE PRESENT TIME

BY  
JOHN H. COLEMAN

*Eñmo, ac Rñmo Principi.*

**LVDOVICO BELLVGA**

**S. R. E.**

*CARDINALI AMPLISSIMO.*

**Angelus Antonius Massa Felicitatem.**



**LITIS** genus, etsi non planè  
novum, anceps tamen, mul-  
tisque implicatum difficultatibus, ad Te  
deferimus Eminentiss. ac Reverendiss. Prin-  
ceps. Matres duæ, quod olim apud Sapien-  
tissimo

tissimum Regem factum legimus. III. Reg. 3. de unico superstitie filiolo inter se disceptant, atque altercantur. *Hæc dicit, filius meus vivit, & filius tuus mortuus est. Et ista respondit, non, sed filius tuus mortuus est, meus autem vivit.* Etenim, cum eorum librorum fortasse indicio, quorum meminit Johannes Picus Mirandulanus in Apolog. & in lib. de Homin. dignit. non ita pridem repertum sit ab Jano Toscanini Systema quoddam Metaphysicum, & rebus, & vocibus, totaque philosophandi ratione, eorum non parum dissimile, quæ modò traduntur in Scholis; hæc duo præcipuè de eo eruditorum judicia extiterunt. Alii quidem, in quorum numero est Janus ipse repertor, atque interpres, Scholæ Zeteticæ, a Mose institutæ, ac toto terrarum Orbe celebratissimæ, illud attribuunt; alii verò ex Schola natum exotica censent, sive Pythagorica, sive Platonica, seu alia quavis, quæ Naturæ lumen, & vocem sequuta aut Verum ipsum tenuerit, aut ab eo non longè aberrarit. Imò verò, quidquid de Deo, ejusque perfectionibus, atq; excellentiis sapientiis, Deoq;

ipso

ipso dignius loquuti sunt Pythagoras, Socrates, Plato, alique antiqui philosophi; de eadem est eruditorum lis, & dissensio: natumq; ajunt aliqui apud eosdem philosophos; alii verd Ebræis dormientibus, vel sua non satis diligenter custodientibus furtosublatum contendunt. *Et consurgens intempestæ noctis silentio, tulit filium meum de latere meo ancillæ tuæ dormientis, & collocavit in sinu suo.* Res profectò est ambigua, & ad judicandum difficilis: eoq; magis; quodd hæ Scholæ ambæ, ex quarum alterutra cùm Systema illud recens inventum, tum tota hæc doctrina, de qua modò meminimus, orta creduntur; non extant jam amplius, nisi in pervetustis codicibus, vita omni, sensuq; carentibus, quo fit, ut hîc nobis argumenta ea omnia desint, quæ plura, & certiora peti ex affectibus solent, quibus se maximè veritas prodit: *& plusquam Salomon* in hoc judicio requiri videatur, ubi non possit amor matrem probare. Superest aliud indicii genus, illud quidem non satis tutum; sed, ut in re maximè dubia, & obscura, probatum Sapientibus; similitudo matris cum prole. Verùm id etiam

in hac causa locum vix habet, ubi Matres ipsæ inter se similes sunt : quippe quæ lucem accipiunt, atq; explendescunt ambæ a prima ipsa Veritate, quam intuentur, Schola quidem Zetetica in Sacris codicibus, quibus Divina auctoritas inest; Schola autem exotica in ipsa naturali ratione, in qua *vultus Divini lumen signatum est*. Hæc cum ita se habeant; dubitantibus nobis, an cui posset rei hujus judicium tutè committi; Tu occurristi, Princeps Em. ac Rev. qui, ut olim Salomon, a Deo accepisti *cor sapiens, & intelligens*, quo faciliè possis bona quævis a malis, a falsis vera, diiudicare, & distinguere. Quamvis enim Hispani plerunq; ingenio, judicioque plurimùm valeant; Qui sanè, cum in eos Natura, & propria ipsorum Virtus multas congefferit corporis opes, pluribus tamen abundant animi bonis; præter illam tamen ingenii, judicii; præstantiam, quæ Hispanorum communis est laus; ut in Te singularis quædam semper fuit, & planè admirabilis morum integritas, ac vitæ innocentia; Tibi præcipuè *dedit Deus sedium suarum assistentem Sapientiam, ut Tecum sit, ac Tecum labores*

*boret . Itaque , quidquid deliberas , quidquid  
aggrederis , quocunq; animum , actionemq; con-  
vertis ; antecedit Te ista Sapientia , & deducit  
Te in operibus Tuis .* Hac duce , atq; adintri-  
ce , Carthaginienſem Episcopatum tot annos ,  
ea doctrinæ , prudentiæ , juſtitæ , fortitudinis  
laude adminiſtraſti ; ut Leander , Iſidorus , I-  
delfonſus , Braulius , Fulgentius , ac reliqui  
primi nominis Antiſtites , in Te redivivi , Hiſ-  
paniæq; redditu viderentur . Hujus Sapientiæ  
præſidio , Eccleſiæ jura , & Pontificiam auctori-  
tatem ſtrenuè tutatus es , adverſus Seculi pote-  
ſtates : Teq; ubi res tulit , non modò conſtantiſſi-  
mum Præſulem ; ſed etiam invictiſſimum Du-  
cem exhibuiſti . Hujus commendatione , toti  
Europæ , ipſiſq; inprimis Catholico Regi , &  
Romano Pontifici apprime charus , & admira-  
tioni ſummæ fuiſti : ſic , ut alter Proregem Te  
Valentino regno præficere ; alter Sacra purpura  
ornare vel renuentem , repugnantemq; non  
dubitaverint . Immo verò , quemadmodum ,  
ut Sacræ literæ tradunt Prov. 8. & Sap. 9. *Sa-  
pientia Deo ipſi affuit tunc , cum orbem terra-  
rum faceret ;* Tibi ad eam , prope dixerim , ima-

ginem, cum Religiosas ædes, & pauperum hospitia a fundamentis excitares; cum ad ipsorum perpetuitatem iis annuos census, ac certos redditus attribueres; cum Societatis Jesu, quæ Tibi cordi semper maximè fuit, Collegia ditarer, studia foveres, doctrinam defenderes, ministeria omnia proveheres; præsto pariter aderat de Cœlo Sapientia. Quando collapsam Cleri disciplinam restituebas; quando corrigebas depravatōs populi mores, quando certis legibus, ac præscriptionibus Christianam ubiq; pacem, pietatemque firmabas, & stabiliebas; *Tecum erat cuncta componens*: &, quoniam ab ea penitus regi Te sinis, ejusq; hortatu, & admonitu, ut olim Carthaginensem Episcopatum invitus suscepisti; sic eodem Te modò abdicasti; & Cordubensem multo ampliorem, locupletiolemq; recusasti; non dubitamus, quin Tecum futura sit semper, ac publicum Ecclesiæ bonum, cui servis, & allaboras, præsertim verò doctrinæ orthodoxæ integritatem, sinceritatemq; Tecum impensè sit curatura. Tibi igitur Em. ac Rev. Princeps, in *Quo Dei Sapientiam esse videmus ad faciendum judicium*;

Sy-



Systema primò illud, de quo supra est facta mentio, ipsius Auctoris nomine, offerimus: qui, & opus hoc suum Tuo iudicio omni ex parte subiicit; & in ea controversia, quæ nunc disceptatur, uti nos causæ suæ, ac totius Zeteticæ Scholæ patronos non refugit; ita Te potissimum sibi iudicem, atq; arbitrum dari, votis omnibus expetit. Theses deinde nostras, ejusdem Systematis totidè veluti scholia, atq; notas adii-  
cimus: in quib; thesibus, tametsi illius Systematis, non quidem doctrinam, sed *gnisiòrita* defendimus; ipsumq; uti etiam ea omnia, quæ ex antiquis poetis, & philosophis hîc adteximus; veros, ac genuinos Scholæ Zeteticæ foetus esse affirmamus; atq; ea rei hujus indicia, argumenta, rationes in hac publica disputatione allaturi sumus; quibus fore confidimus, ut Scholæ eidem doctrinam illam adjudices, suumque ei partum restitui jubeas; cujusque modi tamen hac super re sententia Tua fuerit, ei nos illico assentientes habebis: & Tibi, quæ summa est fama, atq; existimatio sapientiæ Tux eruditi deinceps omnes subscribent.

**IMPRIMATUR.**

**Si videbitur Reverendissimo Patri Magistro  
Sacri Palatii Apostolici,**

***N. Baccari Episcopus Bojanen. Vicefg.***

---

**IMPRIMATUR.**

**Fr. Gregorius Selleri Ord: Prædicatorum ,  
Sac. Pal. Apost. Magister .**



UÆ linguarum principum , Ebraicæ , ac Græcæ utilitas sit , nostra hac etiam ætate , cum omnia prorsus earum gentium scripta ab optimis interpretibus Latine reddita putabantur ; non ita pridem docuit diligens scriptor , Janus Toscanini , qui ex pervetustis Ebræorum , Græcorumque monumen tis Zeteticæ doctrinæ Systema informavit , vulgavitque primus ejus Scholæ placita , quæ Mosè ipsum , Salomonem , Esdræ doctores habuit : auditor es verò , præter eos omnes , qui apud Ebræos , sapientes sunt habiti ; Pythagoram , Platonem , Aristotilem , ac primos quosque aliarum fere omnium gentium magistros . Quoniam verò persuasum aliquibus est , nihil Ebræis , eorumque Scholæ debere philosophos ethnicos ; jisdemq; non satis probatur , quòd hujus Systematis auctor eos sæpiuscule citet , ac doctrinam Zeteticam ab ipsis requirat ; Nobis , ut homini de Ebraicis , Græcisque literis , quas profitemur , benè promerito abjisdem literis gratia quodammodo aliqua sit ; nec ejus exemplo vis desit , qua juvenum animos ad earum linguarum studia capeffenda permoveat ; visum est in hac publica Disputatione Systematis hujus , non quidem doctrinam , quæ nobis alicubi profectò displicet , sed *syncretismum* defendere : easque Theses proponere ; quarum defensione , planum fiat , ex libris Mosi , & Schola Investigationis , ab ipso instituta , tam multa

4  
accepisse omnes ferme antiquos philosophos; ut jure potuerit, qui hoc Systema construxit, eos etiam adire, doctrinamque Zeticam ab ipsis repetere.

1. Afferimus igitur primò, quòd est apud Jamblichum in lib. de Myst. Pythagoram, Platonem, Eudoxum &c. philosophiam didicisse ex Mercurij columnis; rectè intellectum ab Auctore Systematis de Mosi doctrina lapidibus, ut mos Gentis erat, ab Ægyptijs inscripta. Quamvis enim non planè assentiamur Vossio, Bocharto, Huetio, alijsque, qui innumeras deorum, ac veterum heroum Mosi personas imponunt; probabile tamen putamus, ipsum sub Mercurio latere: & ex rebus ab illo gestis, atque editis, conficta esse illa omnia, quæ de Mercurio perhibent poætæ, alijsque scriptores exotici. Rei autem hujus argumenta, & indicia non ea omnia probamus, ac defendimus, quæ sequuti sunt eruditissimi viri nuper commemorati: sed hæc dumtaxat, quæ hic exhibemus. Mercurius apud Cicer. lib. 3. de Nat. deor. Nilo patre natus: Moses Exod. 2. 3. in carecto Nili infans expositus. Mercurij recens nati venustatem Vulcanus Apollini prædicat in Lucian. dial. in Mose infantulo formæ elegantiâ commendatur Exod. 2. 2. Mercurius, ut est apud Pausaniam in Arcad. lotus a Nymphis creditur in Tricrenis: immo nascentem Horæ excepisse, & aluisse perhibentur: lac suum Juno ipsa præbuisse dicitur. Moses Exod. 2. 5. a regijs puellis e Nilo extractus, & a Thermutide ipsa Pharaonis filia educatus. Oves, ac boves pavisse fertur Mercurius sibi dono datos ab Appolline, pastorumque Deus est habitus, ut ex Homeri Ili. probat Pausan. in Corinth. pastorem vitam Moses egit, & Soceri sui Jethro oves duxit Exod. 3. 1. ac subinde præfuit Israelitis, qui & erant pastores, & pastores se professi ipsi sunt apud Pharaonem Gen. 47. 3. Mercurius *deorum famulus* dicitur in veteribus epigram. & *Mercurius Ministrator* in Inscriptionibus: Moses *servus*, & *famulus Domini*, quasi proprio, & peculiari cognomento dictus Exod. 14. 31. Num. 12. 7. Deut. 34. 5. Josu. 1. 1. ad Ebræ. 3. 5. Prestigiator fingitur Mercurius: Moses verorum quidem prodigiorum effector, sed quidquid *δαιμονουργίας* virtute supra hominem edidit; id eum incantamentis fecisse, ac dæmonum

num vi, ethnici crediderunt. Caduceum Mercurio tribuitur, virga nimirum serpentibus intexta, ac portentorum effetrrix: Mosis itidem virga mirifica, quæ in terram dimissa colubri more reptavit, veneficorum Ægyptiorum virgas absorbuit, & admirandorum operum instrumentum ipsi deinde fuit. Statuæ Mercurij pro domorum foribus locabantur ad arcendos fures, & alias pestes propulsandas, qua de causâ ~~vix~~ appellatus est ab Homero Iliad. 5. Mosis iussu domorum postes, ac superliminaria mactati agni sanguine aspersa, eaque notâ præsentis exitio exempti Ebræorum filij natu majores. Furax habetur Mercurius, ac furibus præesse dicitur: id ipsum, ut videre est apud Justinum lib. 36. c. 2. de Mose tradiderunt Scriptores ethnici, qui Ægyptiorum jura, prius etiam, quam res ipsas, ad Ebreos transiisse nesciebant. Mercurius itinerum præses existimatus, Deusque *semitalis*, *vius*, & *hospitum* dictus apud Phornutum de Nat. deor. Moses per annos quadraginta, desertis, & avijs in locis Israelitis viæ ducem se præbuit, ut est in sacris libris. Mercurij statuæ, Pausaniæ testimonio, in Phocic. Priap. erat in Troade, ad sepulchrum Hierophiles sybillæ in luco Sminthæi Apollinis, & aquæ ad levam emicantes e silice, & in subiectum labrum desfluentes: statuæ multæ similes hujus Mosis positæ, aquæ monumentum e rupe quondam ab ipso elicite. His omnibus illa etiam accedunt, quod deorum, hominumque nuntius, interpret, sequester, & alia ejusdemmodi, quæ passim audit Mercurius apud prophanos Scriptores; conveniunt eadem in Mosem, eique quamaptissimè quadrant: quippe qui a Deo ipso toties ad homines est allegatus, rerumque tam grandium transactor, atque administer fuit: quique propterea & ab Apost. ~~multis~~ dicitur Galat. 3. 19. & ipse de se testatum reliquit in Deuter. 5. 5. *Ego sequester, & medius fui inter Dominum, & vos in tempore illo, ut annuntiarem vobis verba ejus.* Immo verò, propter cetera colloquia, secretosque congressus, quos cum Deo in Singmontis fastigio habuit Moses, eaque, quæ descripta inde retulit; factum putamus, ut Saturno charum, atque intimum Mercûrium, ejusque consiliarum, & scribam, dixerit Sanchoniathon apud Euseb. Præp. h. 1. c. 10. Præterea, quod est Exod.

Exod. 34. 35. Mosẽm obuelata facie circumfusam multitudinem alloqui solitum, ne contuentium oculos indito sibi Divinitus fulgore perstringeret; Æschylus in Mercurio poetice expressit, cum ait Choep.v.8 15. *eum noctem ante oculos, & tenebras ferre*. Atque hoc illud esse putamus, cur mediã quidem parte albus, mediã verò niger Mercurij petasus fuerit: ejusque effigies partim atrã, partim aureã facie ab Ægyptijs pingeretur. Cornua quoque, quę Mosi ex verbo קרן, quod habetur Exod.34.29.30.35. appingi solent; Mercurio fecerunt: eaque de causã a Lycophrone, & Harpocrate *κρῶνας* est appellatus: ac subinde ad ipsius, seu veriùs ad Mosi similitudinem Zaleugus, Charondas, Zamolxis, Lycurgus, Draco, alijque legum conditores, quod apparet, atque extat in vetustissimis nummis, pingi voluere cornuti: ut sibi quidem majestatem, præscriptionibus verò suis auctoritatem conciliarent: quemque in legibus ferendis imitari studuerant; eundem vultu quoque, ac specie ipsa referrent. Tandem, alijs omnibus præcisã, quę multa promi possent e sacris, prophetisq; Scriptoribus, simulque conferri; quo Mosẽm in Mercurio clariùs agnoscas, ac furta ethnicorum manifestò teneas; ille est Mosi character maximè illustris, ac certa quẽdam veluti nota, & insigne, omni-gena doctrina, & sapientia: Pentateuchus ab ipso conscriptus, quęque Pentateucho præcipuè studebat, & allaborabat, Schola utraque הכנסת, & המדרש *Investigationis, & Congregationis, sive Conventus* ab ipso instituta. Porro eadem ferme a prophanis scriptoribus attributa Mercurio. Is literarum repertor, scholarumque auctor, ac primus historiæ, & Commentariorum scriptor habitus Platoni in Pẽdr. & Phileb. Ciceroni lib.3. de nat. Deor. Diodoro lib.1. Plutarcho sympos.lib.9.q.3. Quid quę de Mercurio scripserunt Philo Biblius, & Porphyrius apud Euseb. Prepar. Evang.lib.1. cum, quę ad Dei cultum pertinent, in literas retulisse primum; ejus lucubrationes sacras esse, & maximæ apud Ebręos auctoritatis; nonne Mosi planè congruunt, ac de ipso dicta omnia videntur? Quid, cum apud eundem iidem, Sanchoniathonem Berytium Mercurii commentaria, atque ejus præsertim Cosmogoniam ab Jerombalo, Sacerdote Dei

*Jerova* accepisse, multaue inde, Judæis certissima, memoria prodidisse, testantur; dubium ne est, quamvis de Mercurio loqui se dicant, quin Mosem ipsum significant? Jerombalum certè hunc, ipsum Gedeonem fuisse censemus, auctore Suida in *Jerovdal* &, quæ modo superstites sunt Sanchoniathonis reliquiæ Mosis doctrinam, ut videre est apud Bochartum Chan. l. 2. c. 2. & Scaligerum Fragm. p. 48. passim spirant, ac repræsentant: planèque in locis, & nominibus exprimendis, vel ipso Porphyrio teste, consentiunt. Super hæc omnia Mercurium philosophiæ auctorem faciunt Strabo l. 17. Manilius l. 1. Arnobius l. 2. adduntque, Syderum cursum ab eo observatos, certamque anni normam descriptam, ad quam certa, nec aberrante periodo statim quique dies revolverentur. Geometriam quoque, omnemque Mathematicam disciplinam adjicit ipsi Plato in Phædr. Musicam Plutarchus de Isid. Rhythmicam, & Metricam Philo. de vit. Mos. l. 1. Denique rerum omnium inventionem Mercurio, apud ipsos nato tribuisse Ægyptios, auctor est Jamblichus in lib. de Myst. Cyrillus adv. Julian. l. 1. Johan. Tzetzes chil. 4. His autem omnibus notis, & caracteribus in hoc fabuloso omnium fere gentium magistro manifestè se prodit, atque explendescit Moses, Scholæ Zeteticæ caput, librique ab eo relictæ: in quibus, sicuti descripta sunt rerum; ita scientiarum sunt posita initia. Hi enim, ut disertè notant Bellarminus de Script. Eccl. & Huetius Dem. Ev. prop. 4. primordia comprehendunt, non solum mundi, & naturæ; sed religionis etiam; & theologiæ: historiæ quoque humani generis, & animalium: geographiæ, politicæ scientiæ, castrensium disciplinæ, equi, bonique, ac legum ferendarum doctrinæ, staticæ artis, & architectonicæ, fabrilis, futoriæ, futoriæ, baphicæ, coriariæ, phrygionicæ, aliarumque complurium. Sanxit ibi sacrificia, ac perpetuos ritus sacrorum: annum sacrum, & civilem festis distinxit quibusdam: spatia temporum in certas discrevit periodos: ut meritò scriptum reliquerit Artapanus apud Euseb. l. 9. c. 27. Mosis armorum, navigiorum, anthliarum, tollenonum, sacrarum literarum, & civilis disciplinæ inventionem Ægyptios, nationesque omnes debere. Quare locum hunc ita concludimus: in eo, qui

pri-

primus, ac vetustissimus cuique genti habetur, humanarum; divinarumque rerum doctor, Thoyth, vel Theuth Ægyptiis, Taautus Phœnicibus, Tao Indis, Teutl Mexicanis, Tat Hispanis, Tautates Gallis, Teves Anglis, Tijs Danis, Teuth item, seu Wordan Germanis, Imbramus Thracibus, Hermes Græcis, Mercurius Romanis, alijs alio nomine nuncupatus; in eo, inquam, Mosem ipsum latere: qui tametsi non ubique fuit; ex illo tamen profectum quidquid ubique est scientiæ, & doctrinæ: ex ejusque libris, & Schola ab ipso instituta, ut notat Auctor Systematis p. 1. n. 5. tanquam ex fonte biberunt, asportaruntque, præstantissimi quique orbis terræ magistri. Qua de re hastenus generatim, atque universè: deinceps vero particulatim, gradatimque dicendum.

II. Primum id sacris Ebræorum codicibus, ac Scholæ Zeteticæ antiquos philosophos debere contendimus, quòd ingenitam in hominum animis Dei notionem affirmarint, eundemque in rebus creatis, tanquam in speculo cerni. Ita Trismegistus Pœmandr. par. 2. ser. 1. itidemque in Asclepio: quæ opera, tametsi nobis adulterina, & supposititia habentur; quòd tamen aliter existimasse videntur veteres aliqui Patres, & nominatim Augustinus; isque Trismegistum Mose posteriorem facit l. 18. de Civ. c. 39. idcirco nequaquam nobis prætereunda esse duximus. Ita præterea Homerus Iliad. 13. qui Deum *valde notum* appellat: Plato 10. de Legib. Cicero l. 1. de Nat. deor. aliique: quorum dicta ex eo expressa videntur, quod est Job. XXXVI. 25. Deum *omnes homines vident*. Et Psalm. IV. 7. *Signatum est super nos lumen &c.*

III. Id eos secundò Ebræis, eorumque Scholæ debere asserimus; quòd nihil de natura ipsa Dei a nobis verè cognosci posse censuerint, sine ipso Deo. In quam sententiam Trismegist. ad Tat. Deum, inquit, *percipere non poteris, nisi ejus aliquis radius intelligentiæ tuæ benignè refulserit*: Pythagoras; *Nemo de Deo, sine lumine loqui audeat*. Eamque ob causam, Deus a Platone comparatus est soli in sexto de Repub. Quæ ducta sunt ex Psalm. XXXV. 10. *In lumine tuo videbimus lumen*.

IV. Ebraicum pariter est, & ex ipsamet ductum Zeteticum Hypothesi, quòd Deum solum verè, & propriè esse dicant:



cant : eumque, ipsum Esse, definiant. Sic Trimegist. in Asclep. *Solus Deus est : & meritis solus ipse in se , & a se , & circum se totus , plenus , atque perfectus &c. Extra Deum nihil , extra nihil Deus : in eo omnia , in omnibus ipse est .* Eadem ferme Parmenides apud Simplicium : eadem Melissus apud Laertium : eadem Heraclitus apud Plutarchum : eadem Plato , & Plutarchus ipsemet , aliique citati ab Auctore Systematis p. 1. n. 4. Quæ omnia , ut ipsa etiam Zetetarum Hypothesis tribus Dei nominibus nituntur יהוה , יי , אריות , *ipsum Esse* significantibus .

V. Iisdem ex fontibus haustum , quod Deum , Veritatem ipsam appellant . *Cum enim solus Deus sit verè , & propriè , nequaquam in terris , o Tati , veritas est ,* ait Trismegist. p. 2. Poemand. ser. 3. ad Tatium : & apud Stobæum ser. 10. tom. 1. Itemque Plato 5. de Leg. apud Plutarch. in lib. cui titul. amicus ab adulatore dignosci quæ possit . Eadem docuit Menander in Nan. Simmias apud Laert. Jamblichus apud Stob. & ut Stobæus , & Laertius iidem referunt ; Magi ipsi , quippe qui deorum maximum , quem Horomasdem , seu Oromasim vocant , corpore quidem asserunt esse *luci similem , anima verè Veritati .* Mirum autem præ omnibus est , quod habet Plato 5. de Legib. *Neminem fore beatum , nisi ab initio statim Veritatis particeps fiat .* In quo aliquo modo illud agnoscas Christi Domini apud Johan. XIV. 6. *Ego sum via , & Veritas &c. nemo venit ad Patrem , nisi per me :* cui consona multa in Test. vet.

VI. Iisdem auctoribus , & magistris , scripserunt antiqui philosophi , in Deo , modo quodam exempto , esse omnia : sic , ut Unitas , ac Centrum dici possit rerum omnium : Totumque extra Totum : quæ Dei notiones sunt Zeteticæ , & ab Auctore Systematis asseruntur p. 1. n. 3. illustranturque in toto deinceps Opere illo . In hanc sententiam Trismegistus in Asclep. *Omnia Deus , & a Deo omnia . . . Omnia ab eo , & in ipso , & per ipsum .* Ser. 4. Poemand. Deum *Monadem* appellatum ser. 5. *Nihil est , inquit , in omni natura , quod ille ipse non sit . Est ille siquidem quæ sunt , est ea etiam , quæ minime sunt &c. Et aliquanto post Deo hymnum concinens ait : Ipse profecto es quidquid ego sim , ipse es quidquid agam , ipse es quid-*  

quid

quid denique dicam . Ipse enim es omnia , neque aliud , præter te quidquam . Quod sanè non est , es Ipse : Ipse omne quodcumque genitum . Ipse omne , quod nunquam genitum &c. Quæ Catholice explicat Auctor Systematis cum in tota Hypothesi , tum etiam Prop. VII. & VIII. In eandem sententiam loquuti Xenophanes apud Plutarch. five Galen. lib. de hist. philos. & apud Theodoret. qui idipsum confirmat dicto Parmenidis . Quibus accedit Plotinus : is enim l.2. Enn.5. *Ipsum Unum , inquit , est omnia , rursumque nullum est ex omnibus .* Hæc autem omnia ex eo nata videntur, quod est Exod. XXX. 19. ubi Mosi Deum videre cupienti respondet Deus ipse ; *Ego ostendam omne bonum tibi.* Cujus non dissimile est , quod est Johan. 1. 4. *Quod factum est , in ipso vita erat .*

VII. Tametsi Deum existere , atque unicum esse naturalis ipsa ratio satis ostendat ; ex Ebræorum tamen disciplina profectum credimus , ut Deum unicum , singularemque , tanto consensu , agnoverint , & confessi sint haudquaquam obscurè omnes ferme antiquitatis Sapientes . Quod primum defendimus de Poetis : de Orpheo , ex eo , quod habet apud Justinum M. in Cohort. ad Gentes .

*Intuere solum mundi Regem :*

*Unus est per se genitus , & ab eo Uno cuncta prognata sunt .*  
Et apud Eusebium 3. Præpar. cap.3.

*Principium , atque ortus rerum vis una , Deusque  
Unus , & Omnipotens &c.*

De Homero , qui secundo Iliad. vanæ deorum multitudini illudens Ulißem ita loquentem inducit :

*Haud profectò singuli præesse possumus , o Achivi :*

*Non est bonus plurium principatus :*

*Unus sit princeps , unus sit rex .*

De Hesiodo , qui ad Fratrem , hæc scripsit :

*Sunt homines , diique una ab radice creati :*

Itemque apud Clem. Alex.

*Ipse etenim rex cunctorum , dominusque gubernat*

*Numina : non Deus huic alter contendere possit .*

Præterea de Sophocle , ex iis , quæ apud Justinum in lib. de Monarch. Tandem de Pyndaro , qui Od.6. stroph. 1. ita cecinit .

*Unum*

*Unum Patre, creatore summum, atque optimum artificem habemus,  
Qui progressus singulis diversus secundum merita præbet.*

Qui Poetæ, sicubi innumerabilium penè deorum turbam videntur adstruere; ibi seu totidem Divinitatis ipsius efficientias adumbrari, ut est apud Orpheum,

*Omnia sunt unum, sint plurima nomina quamvis;*  
sive Angelos, Dei ministros, sive etiam aliquando Dæmones, ut sæpe apud Homerum, & Hesiodum, significari defendimus.

VIII. Mirum quoque hac in re, Ebræis iisdem præceptoribus, extitisse affirmamus veterum philosophorum consensum: Trismegisti primum, qui 2. p. Poemand. l. 1. *Hæc autem omnia, inquit, in unum congregi, absque congregantis virtute impossibile est. Oportet igitur, aliquem esse talem, & penitus unum. Nam, cum multi, variique sint motus, & dissimilia corpora, unus autem ordo velocitatis in omnibus; Impossibile est, duos, aut plures esse factores, neque enim ordo unus servaretur in multis. Præterea, qui inter illos imbecillior esset, potentiori nimiam invideret: ex quo jeditio quadam exoriretur. Et Paulo post. Esse itaque horum omnium unum auctorem, præ cæteris est conspicuum ... Unus igitur singula facit in multis &c.* Thaletis deinde, & Anaxagoræ, qui Mentem unam, rerum omnium opificem ambo agnoverunt: & ille quidem ex aquis, is verò ex similibus particulis ab ea res omnes effectas docuit. Præterea Pythagoræ, qui cum maximè Monadem prædicat apud Eusebium, & Cyrillum, qua, tanquam Symbolo, Schola Zetetica utitur; tum verò apud Justinum il lib. de Monar. ita cecinit:

*Si quis dicet; Deus sum præter unum, is delet.*

*Mundum huic parem condere, & dicere: Hic meus est:*

*Nec solum condere, & dicere, hic meus est, sed habitare*

*Ipse in eo, quem fecerit, Hic autem ab eo factus est.*

Philolai etiam, ejus discipuli, cujus illa extant apud Philonem: *Princeps, & dux omnium Deus Unus, semper existens, singularis &c.* Euclidis, qui pariter auctore Laertio, *Numen Unum, naturamque Unitatis Unam* agnovit: eamque multis nominibus modò Deum, modò Sapientiam, interdum Men-

tem nuncupavit. Empedoclis, de quo hæc in l. de Mundo :  
ab ipso Uno

*Quæ sint, quæ fuerint, quæ mox ventura trabantur,  
Et Plantæ viruere, Mares, & Fæmina quæque  
Atque Fera, Volucresque &c.*

Et apud Simplicium i. physic.

*oriuntur ab Uno*

*Ignis, Aqua, & Terra, immensi visque Aeris ingens.*

Præterea Xenophanis, apud eundem Simplicium, Parmenidis, Melissi, maximè verò Socratis, qui Genios, ac Demones, quorum facinora poetæ decantant, a republ. exigendos docebat, supplicioque affectus dicitur, quòd Deos destrueret : quo nomine maximè laudatur ab Justino in Apolog.

IX. Platonem quoque de Deo, ejusque individua, singularique natura rectè sensisse defendimus : de eaque cum aliis in locis, tum præcipuè in Timæo ita loquutum ; ut dubium esse non possit, quin alicubi viderit, quod est Exod. III. 14. *אֲנִי הוּא* : qui locus Zetetici Systematis veluti fundamentum ab erudito Interprete positum est. Quòd si Plato aliquando ea de re suboscure, atque ambigüe differit, divinitatemque aliis etiam a Deo videtur tribuere ; Cœlo scilicet in Epinomide, Syderibus in Legibus ; Terræ, Marique in ipso Timæo ; Veneri in Philebo ; Zamolxi in Charmide ; Trismegisto in Phædro ; aliisque pluribus alibi ; eum ibi poetice, atque allegoricè loquutum censemus : Socratis enim supplicio absteritus, quæ de Deo sentiebat, in vulgus apertè proloqui sibi minus tutum existimabat.

X. Hic verò eorum sententiam planè rejicimus, qui in antiquos hosce philosophos referunt impium dogma Manetis, qui duo statuebat rerum Principia, Bonum, & Malum : Lucem, & Tenebras : Deum, & Materiam. Quòd enim Pythagoras, quem primum in crimen vocant, duos rerum ordines poneret, Unitatem, & Binarium ; id intelligendum dicimus, non de duobus Principiis, Bono, & Malo ; sed de iis duobus veluti statibus, quos, ut habet Systema Zeteticum p. 1. n. 3. creata quæquæ res obtinet, Unitatis, ac Simplicitatis in Deo ; Distinctionis, ac Multiplicitatis in se ipsa. Vel  
cer-

certe de habitu, & privatione, ut velle videtur Aristoteles, & ejus Comment. Averro. 3. Physic. tex. com. 13. nec non Simplic. ibidem. Quodd verò Empedocles, qui alter impii dogmatis auctor habetur, duo constituerit rerum principia, Odium, & Amorem; seu Litem, & Amicitiam; id ab eo factum interpretamur, non ut Deum bonum, & malum induceret; sed, ut rerum naturalia principia, seu elementa, inter se contraria demonstraret; seu, quod verius putamus, Simplicio interprete 1. Physic. ut Mundum intelligibilem ab eo separaret, qui sub sensus cadit: in statu enim Veritatis, quem Schola Zetetica Mundum intelligibilem vocat, ut est in ejus Systemate p. 2. Prop. VII. & VIII. quique idem est Centrum, atque Unitas rerum omnium; distinctio, aut divisio non est: secus verò in statu adumbrationis; qui mundus hic est, extra mentem Artificis: idemque, Zetetarum sententiâ, radii instar, & numeri habet: quæ progressionibus sunt dividuali principii individui. Quod tandem Plato visus sit animas mundi duas comminisci beneficam, & maleficam; ejus rei interpretationem quam commodissimam habes ex Ammonio Alexandr. Phylopono, & Marsilio Ficin. Cæterum quam longè abhorreat a Manichæorum dogmate Platonis doctrina, documento tibi sint libri de Repub. in quibus bona refert in Deum; mala verò, quæ quidem culpam habent, in pravam hominum voluntatem; quæ autem poena sunt, in Dei justitiam, scelerum vindicem, Universi hujus, atque eorum ipsorum, qui puniuntur, bono consulentem. In quam sententiam explicanda esse contendimus, quæ de Vejiove, lævisque Numinibus dixerunt Gellius, & Virgilius, aliique Latini, ut non duo statuatur dii, quorum alter bonis præmia rependat, alter malis poenas infligat: cum utrumque ab uno, eodemque Deo possit commodè proficisci.

XI. Aristotelem quoque cum Ebræis in eo consensisse defendimus, ut, etsi multis quamdam Divinitatis similitudinem; uni tamen, a quo omnia sint, & administrantur, veram Divinitatem tribueret: sic enim habet 8. Phys. & 12. Metaph. *Nolunt entia malè disponi: nec bonum plures principes. Unus ergo princeps.* Tum sæpe illud usurpat: *Deus, & natura nihil agunt*

*agunt frustra* : quod certè non diceret, si plures Deos esse censeret . Quodd si dubia Ciceronis , Origenis , Theodoreti , Themistij ; certa verò , & luculenta Stobçi , Demetrii , Apulei , Iustini m. Joh. Philoponi , & recentiorum non paucorum suffragia sequutus Aristoteli adjudicas Librum , seu Epistolam de Mundo ad Alexandrum ; non est , quodd super hac re de ipsius mente dubitare possis : nam cum multa de hoc habet ibi clara , & perspicua , tum illud est apertissimum , quo librum concludit . *Unus inquit , Deus cum sit , pluribus nominibus appellatus est : ab iis utique suis omnibus effectibus denominatus , quorum specimen edere ipse solet .* Tum per complura deorum nomina excurrit , iisque omnibus unius , ejusdemque Dei effectus varios , atque multiplices significari ostendit . Sed & in Moralibus unum Deum confessus est Aristoteles , rerum humanarum gubernatorem : quæque ibi scribit de necesse deorum , iisdem probari contendimus unius summi Dei divinitatem , qui felicitatis sibi , aliisque omnibus causa sit . Nec minus ex iis , quæ scribit de beatitudine , quam in contemplatione positam docet . Item in Politicis , ubi Deum , velut humani generis regem constituit , cui omnia obtemperare oporteat : Tum ubi Deum legem esse affirmat , & imperium legis esse imperium Dei . Itemque , ubi divinissimum reipub. genus docet esse Monarchiam . Tandem in libris de repub. in quibus , cum de his ageret , quæ sint in repub. necessaria , primumque alimentum numerasset , tum artes , tertio arma , quarto copiam aliquam pecuniarum ; hæc statim subjecit , *quintum , & primum cultus Dei , quem religionem appellant .*

XII. Dei unitatem alii etiam ethnicorum philosophi , post Platonem , & Aristotelem agnovere . Theophrastus in libris de Metaph. *Id quod est* , inquit , *primum , & divinissimum , omnia optima vult esse : fortasseque id est exuperans omnem scientiam , & inscrutabile .* Et rursus in eodem libro : *Divinum* , inquit , *Principium , per quod omnia sunt , & permanent .* Quæ planè Mosaica sunt , atque e sacris libris expressa . Alexander Aphrodis. 1. quæst. hatur. c. 1. Aristotelem præceptorem sequutus , ex motu *primam unam venatur Substantiam , æternam , simplicem , & immobilem , ætænamque existentem corporis circulo versatilis , moven-*  
*tem*

temque tanquam amatum, & desideratum, cum maximè sit intelligibilis, & maximè appetibilis. Epictetus in Enchyr. Deus, inquit, est utilis: sed & bonum est utile. Veri igitur simile, ubi sit substantia Dei; illic & esse substantiam bonitatis. Quæ igitur substantia Dei? Caro? absit. Fama? absit. Mens, Scientia, Recta ratio. Hic igitur simpliciter quare substantiam boni. Et infra: hoc primum discere oportet, quod Deus sit, & prospiciat universis: & non est, qui latere possit eum non modo operans; sed ne cogitans quidem, & mente revolvens. Simplicius super Epictet. Enchir. ethnicus & ipse philosophus. Omnium rerum fons, inquit, & principium est ipsum Bonum. Nam quod omnia concupiscunt, id est omnium principium, & finis. A se ipso quoque Bonum cuncta producit, prima, & extrema &c. una bonitas multas bonitates, una simplicitas, & unitas, quæ super omnes, multas unitates, & unum Principium multa principia. Idem est Unitas, & Principium, & Bonitas, & Deus: Item: a prima, Divina Veritate veritas omnis: necessariæque omnia principia ad unum Principium, quod quidem non sit aliquod particulare principium, quemadmodum reliqua omnia: sed principium cuncta principia supergrediens, seseque superattollens, & omnia principia ad se colligens, omnibusque principiis a se ipso præbens principalem dignitatem, ut cuiusque naturæ congruit. Hinc igitur absurdum est duo, vel plura omnino, quàm Unum prima principia dicere &c. Idem ex similibus ipsorum testificationibus affirmamus de Jamblichio, Porphyrio, & Proclo. Idem quoque de Romanis philosophis ex Tullio, Seneca, Plutarcho, & Plinio. Tum prorsus vanam, & fabulosam deorum multitudinem habitam sapientioribus, ab iisque meritò irrisam, defendimus, testimonio quidem Varronis, ac Senecæ; exemplis autem Hilponis Megarensis, Byonis Borysthenis, Chryssippi, Pythagoræ, Xenophanis, Heracliti, Melissi, Theodori Cyreniaci, Evemeris Thegeatæ, Euripidis, Socratis, Aristotelis, & aliorum.

XIII. Jam verò de Dei perfectionibus, atque excellentiis multa apud Ethnicos esse contendimus desumpta ex Libæorum codicibus, aliisque Scholæ Zeteticæ monumentis. Quod spectat ad Æternitatem, ejusmodi esse asserimus, quod est in Asclepio: Deus aternus: Deus sempiternus, nec nasci potest,

nec



*nec potuit, hic est, hic fuit semper, hic eris.* Item Epigramma illud, quod ex Ægyptiorum historia refert Proclus l. i. Com. in Timæ.

*Quæ sunt, quæ erunt, & quæ fuerunt,  
Ego sum.*

Tum celebre Thaletis responsum apud Plutarch. in conviv. qui, *quid esset antiquissimum* interroganti, *Deum esse dixit: oris enim carere.* Et apud Ammonium in lib. de Interpret. Parmenides; *nihil esse penes deum affirmans, neque præteritum, neque futurum: quod utrumque sit non ens; quoniam alterum non est amplius; alterum nondum est: ac prius mutatum est; posterius naturâ mutabile est.* Ejusmodi autem ei, qui verè est, & mutationem ne cogitatione quidem tenus admittit, impossibile est affingere. Quorum simillima sunt, quæ Plato in Timæo: *errare quodam duci homines in loquendo, qui partes illas temporis, erat, & eris in æternam substantiam imprudentes transferunt.* Dicimus enim de illa, *erat, est, & erit.* Sed illa revera solum *Est* competit: at *erat, & eris* ad generationem, quæ in tempore procedit referri convenit. *Motus enim sunt.* Eadem ferme ex Ebraico מְנַחֵם similiter expressa apud Plotinum Enn. 3. l. 7. c. 4. & Enn. 6. l. 5. c. 11.

XIV. Quod attinet ad Immensitatem; Ebraicum illud, *Quo ibo a spiritu tuo &c. si ascendero in Cælum, tu illis es, si descendero in infernum, ades;* Psalm. 138. 7. 8. ita redditum a Trismegisto 2. par. Pemand. c. 1. *a te ipso incipiens meditare, atque animæ tuæ præcipito, quæ citius, quàm præcipias evolabit.* *Jubero, inquam, ut transeat in Oceanum, illa, priusquam jussis, ibi aderit, inde, ubi nunc est, nequaquam discendens.* *Jubeto iterum, ut in centrum volet &c. Quin etiam, si volueris globos omnes transire &c.* Hoc igitur pacto contemplare Deum, ut in se ipso intelligentias omnes habentem, habentemque se ipsam, cum mundum penitus Universum. Extant hac de re apud Cyrillam l. i. cont. Jul. Orphei, sive, ut apud Clementem Alex. aliqui suspicantur, Onomacriti versus; in quibus Immensitas Dei ejusdem fere, quibus in Scriptura prædicatur, sententiis est expressa.

*Ipse in Cælo abæneo stabilis sedet  
Aureo in solio; terræ autem pedibus insistit.*

*Et ma-*



*Et manum dexteram ad fines Oceani*

*Undique extendit . Circum tremunt alti montes ,*

*Et flumina , & profunditas cani , ac cærulei maris .*

Thales quoque apud Aristot. l. 1. de Anim. c. 5. text. 85. *dixi* plena esse omnia docuit. Pythagoras apud Clementem Al. Unum esse Deum , ait , eumque non extra hanc universitatem positum ; sed totum in ipsa , & in toto circulo . Idem apud Mitucium Fellic. & Salvianum in lib. de gubern. Dei ait , eum per omnes mundi partes , universamque naturam diffusum . Aratus Jovis omnia plena esse dicit : itemque Virgilius Ecl. 111. 60. & Georg. 1v. 222.

*Deum namque ire per omnes*

*Terrasque , tractusque maris , cælumque profundum .*

Plotinus autem Enn. 6. l. 5. c. 3. Id omni humana insitum esse naturæ dicit , ut , simul esse Deum existimat , etiam ubique esse totum arbitretur . Et En. 6. l. 8. c. 16. Deum esse & Ubique , & Nusquam : quod planè Zeteticum est . tum c. 18. Nihil extra illum queri oportere : sed intra ipsum omnia esse , quæ sunt post ipsum . Quod enim extra est , ipse Deus existit , comprehensio omnium , & mensura . Seneca etiam l. 4. de Benef. c. 8. Quocunque te flexeris , ibi illum videbis occurrentem tibi . Nihil ab eo vacat , opus suum ipse implet . Quod est ex Psalmo centesimo tricesimo octavo cit. alia verò ex Jobo xi. 8. ex Deuter. 1v. 39. ex 3. Reg. vii. 27. ex Sapient. 1. 7. ex Isa. lxxvi. 1 ex Jerem. xxi. 14. &c.

XV. Quod verò spectat ad Dei Scientiam , & Voluntatem , quæ Prop. 7. & 8. profert ex Schola Zetetica Systematis Ebraici Interpres , ea fere omnia e sacris libris excerpta in rem suam transtulerunt antiqui Philosophi . Sic quod ibi Scriptor ille differit de ea Veritate , atque Esse exempto , quod res creatæ omnes habent in Deo , tanquam in Centro , atque Unitate ; ijadumbrarunt , qui duplicem Mundum posuere , primum intelligibilem in ipsa summi Artificis mente ; alterum subiectum sensibus , extraque Artificis mentem . Hi præcipuè fuerunt , sententiâ nostrâ , Trisnegistus Serm. 1. Pœmand. & in Asclep. Orpheus , aut quisquis est eorum carminum auctor , quæ refert Chisamus l. 7. de peren. philosoph. c. 10. Plato in Parmenide , in Timæo , & ubicunque loquitur

C

de

de Ideis, quas ab ipso non primum excogitatas, sed e Schola Pythagorę, seu verius e Schola Moſis, ejuſque libris expreſſas, & intra Opificis mentem collocatas, contra ejus calumniatores defendimus. Auctor præterea quatuordecim librorum de Myſtica Ægyptiorum philoſophia, quos Franc. Patricius, in Proleg. ad ſuam edit. & Athanaſ. Kircherus in Pręſparatione ad Obeliſc. Pamphil. Immo, ut videtur, etiam D. Thomas in lib. de Unit. intellectu. cont. Averro. Ariſtoteli tribuunt. Tandem Platonici omnes.

XVI. Conſentanea quoque ſunt, ſi recte intelligantur, Scholę Zeteticę placitis in citato ſępe Syſtemate expoſitis, quę de Divina providentia, atque æterna rerum diſpoſitione, & ordine, allegoricę ſcripit Plato decimo de Repub. in ſuis illis annulis invicem complicatis: & ante eum Homerus in aurea illa catena, quam Cœlo ſuſpenſam finxit Iliad. 8. & 15. qua ſtatuſ Veritatis cum ſtatu adumbrationis conſenſum ſignificari Macrobius, & Lucianus teſtantur. Illud verò hac in re Ebręorum doctrine maximè conſonum, quod ea catena, iſque annulis nequaquam conſtringi liberam hominum facultatem putant, aut uni contrariorum affigi: ſed in eorum poſitum electione, & arbitrio, quo ſe vertant; ipſiſque tribui debere ajunt, quę quiſque peccat, non in Deum referri. Inquam Sententiam eſt, quod ſcripſit Homerus Odys. 1.

*Ipoſorum enim propriis ſtultitiis perierunt  
Fatui.*

Tum quod circumfertur ex Zoroaſtro

*Pater non incutit metum, ſed perſuaſionem inducit:*

Et ex Hierocle.

*Ut malus quiſque ſit, malitię ſuę cauſa ipſe exiſtit.*

Tum ex Chriſippo.

*Quam falſo accuſant ſuperos, ſtulti que queruntur*

*Mortales: etenim noſtrorum cauſa malorum*

*Nos ſumus: & ſua quemque magis vecordia ladiſt.*

Plato verò diſertiffimè in Epinomide: *ſi quid mali in his acci-  
dit, non divina culpanda natura eſt: ſed humana, quę injuſtè  
vitam ſuam diſtribuit.* De ipſa verò hominis libera facultate ſub-  
tiliùs, atque diſtinctiùs Ariſtoteles: ejus enim actionem,

mo-

motum, functionemque duplicem statuit lib. 3. Moral. c. 4. *Voluntatem* scilicet, & *Electionem*: eam circa finem, seu, ut ipse loquitur, *magis circa finem*; hanc verò circa ea, quæ referuntur ad finem, versari docet. Primam eximit ab omni violentia, & coactu; secundam verò etiam a necessitate. Ita ejus Interpres Ammonius: ita Aphrosidiensis ipsi additissimus in eo libro, quem scripsit ad Severum, & Antoninum Imperat. de *fato*, & *libert.* Consentit Euryphamus Pythagoricus in lib. de Vita in calce Diog. Laertii ab Henr. Steph. editi pag. 814. Plotinus Platonius, qui Enn. 6. l. 8. c. 1. *Spontaneum* id esse dicit, *quod fit non violenter, & cum notitia: in nostro verò arbitrio situm, cujus agendi domini sumus*. Ac deinceps necessitatem libertati planè adversari confirmat: aitque cap. 7. eos, qui necessitatem cum libertate coherere putant, *revera liberi arbitrii naturam, ac notionem ejus, quod in nobis situm dicitur, evertere, ac voces usurpare rerum inanum, minimeque consistentium*. Denique Simplicius, qui in Comment. ad Enchir. Epitecti de beatis Mentibus loquens, negat illis esse *revera electionem*, idest, *arbitrii libertatem* circa summum bonum, quo fruuntur: quoniam *voluntatem uno modo, & sine contrarii potestate, in illud bonum defixam habent*. Et, quibusdam interpositis, contra fatum disputans, probat, non posse, illo posito, constare libertatem, tametsi vim nullam asserre dicatur: quòd scilicet contrariorum nobis eripit potestatem, sic, ut omnino necesse sit nobis *una, & definita, ratione in hoc, vel hoc expetendum intendere*. Quæ doctrina iis maximè congruit, quæ scripsit Moses Deut. XXX. 15. 19. *Considera, quod hodie proposuerim in conspectu tuo vitam, & bonum, & e contrario mortem, & malum: ut diligas Dominum, Deum tuum, & ambules in viis ejus, & custodias mandata illius &c. Testes invoco hodie Cælum, & terram, quòd proposuerim vobis vitam, & mortem, benedictionem, & maledictionem. Elige ergo vitam, ut & tu vivas, & semen tuum*. Et quod Jesus filius Sirach scripsit Ecclici. XV. 14. &c. *Deus ab initio constituit hominem, & reliquit illum in manu consilii sui. Adjecit mandata, ac præcepta sua: si volueris mandata conservare, conservabunt te &c. Apposuit tibi aquam, & ignem: ad quod volue-*

*ris porrige manum tuam. Ante hominem vita, & mors, bonum, & malum: quod placuerit ei, dabitur illi.*

XVII. Aliquid etiam de æterna Divini Verbi generatione a sapientioribus Ebrais accepisse philosophos Ethnicos iudicamus: Trismegistum primò ex iis, quæ de Mente, & Prole Divina disserit in Pœmandro: ubi Uerbum ex Patre nasci docet: ipsumque & *lumen de lumine, & Mundi Opificem* vocat. Orpheum (si tamen Orphæus auctor est eorum carminum, quæ hoc nomine inscripta circumferuntur; atque exstant, apud antiquos Patres) qui Verbum Divinum, *Vocem Patris* nuncupat, ab eoque Mundum effectum esse dicit. Heraclitum, qui apud Amelium, atque hoc certè, inquit, erat Verbum, *per quod semper existens, ea, quæ sunt, facta fuerunt.* Huc pertinere dicimus, quæ de Mente, Progenie, Sapientiaque Divina tradidit Plato in Phædone, in Cratyllo, in Philebo, aliisque in locis, ubi eam Imperatricem, Reginam, creatricemque rerum appellat, eique rerum omnium imperium, atque effectiorem attribuit. Huc quæ de eadem ipsa Mente, ejusque Genitore, Mentisque ipsius cum Patre conjunctione docet Platonicotum Coryphæus Plotinus: qui etiam explicat, ut *Mens sit post summum Bonum; ut per eam ad summum Bonum perveniatur; ut sit Idea omnis pulchritudinis; ut creaverit Mundum; ut Mundi effectio sit Mentis, Genitoris quidem jubente, Ipsa vero operante:* de quibus omnibus consule Marsilium Ficinum interpretem. Horum simillima sunt, quæ de Patre, & Filio docet Numerius in lib. de Domino: Patrem scilicet, qui est summum Bonum, esse primum; Filium verò, idest, Mentem, esse secundum: Filium agere omnia, Patrem jubere. Eadem Proclus de Summo Bono, Genitore, & Mente, Progenie divina. Expressius, atque, ut ipse testatur, de Platonis sententiâ, Porphyrius. Sic enim & de hist. Phil. Ab hoc autem Summo Bono, ratione quadam hominibus incognita, genitam Mentem tradit Plato; quæ prorsus per se ipsam existat: in qua videlicet sint veræ res, & omnis rerum substantia: quod & primò Pulchrum, & per se Pulchrum sit: habeatque speciem pulchritudinis. Processit autem ante secula, vel æternitatem, ab auctore Deo promanans, per se genita existens, & per se

*se Pater. Neque enim illo movente se ad generationem hujus, processus fuit: sed isto progrediente per se generabiliter, vel ex sua generatione a Deo: & progrediente non a principio aliquo temporali: nec dum enim tempus erat: sed neque, creato tempore, præ illa est aliquid tempus: semper enim est carens tempore, & sola aterna Mens. Sicut autem Deus ille primus, unus, & singularis semper est, licet ab ipso facta fuerint omnia, eo quod cum his connumerari, & in eodem loco, quem habet substantia sua: ea poni non possunt; sic & Mens sempiterna sola, & sine tempore, & creatis his, quæ sunt in tempore, ipsum tempus est, permanens in unitate sua substantia. Hæc Platonem sensisse, testatur Porphyrius.*

XVIII. Similia de Spiritu Sancto, seu de Amore ipso Divino ex Ebræorum Schola Ethnici didicerunt: quæ tamen, multis deinde fabulis ita infuscarunt, inquinaruntque; ut agnosci vix possent. Trismegistus Poemand. c.1. n.9. *Mens autem Deus... Vita, & lux, cum Verbo suo, mentem alteram opificem peperit, qui quidem ignis, atque Spiritus numen. Idem Serm.3. ad Asclep. Hujus Spiritus, de quo sæpenumero dixi, omnia indigent: omnia portat, secundum dignitatem, omnia vivificat; & nutrit, & a sancto fonte dependet, omnibus spiritibus, & viventibus semper est auxiliator. Orpheus in carm. quibus titulus est, Hymnus Amoris apud Stobæum Ser. 63.*

*Advoco magnum, sanctum, amabilem, suavem Amorem, Arcipotentem, alatum, igneo caru velocem,*

*Impetu agilem, colludentem diis, & mortalibus hominibus.*

Idem Orpheus in Argonaut. cum de rerum principiis coram Chyrone, heroibusque cantaret, Cahos ante Mundum posuit, & ante omnes Deos Amorem in ipsius Cahos sinu locavit, laudavitque his verbis.

*Antiquissimum, se ipso perfectum, consultissimumque Amorem. Eadem metaphora usus Aristophanes in carmin. cum Amoris ortum descripsit, non qualem describit Socrates apud Platonem in Symposio orat.5. ex Poro, & Pœnia in hortis Jovis, neque qualem Pausanias retulit orat. 2. de duplici Venere; sed ut ejus verbis aliquid longè majus, atque altius subesse videatur: atque id ipsum, quod crudité edisserit Mutius Pan-*



sa lib. 1. c. 83. apud quem ea legi possunt : sed & illa etiam ; quæ de Amore nostris consona scripserunt Hesiodus , Pherecides , Empedocles , Parmenides , Plato : qui Plato , ut ait Chalcidius in Timæ. vocat Animam mundi Spiritum Sanctum ; quo vegetatur , ac regitur mundus , Spiritus enim est Latine , quod Græcè est anima , idest , *ánemos* .

XIX. Ipsum Trinitatis Mysterium , Ebræis iisdem doctolibus , edidicit , ac metaphoricè exprellit Trismegistus , cui tribuitur celeberrimum illud : *Monas gignit Monadem , suamque in se refiecit Amorem* : eumque putat Suidas Termaximum appellatum , quòd divini Spiritus instinctu de Trinitate loquutus sit , *dicens in Trinitate unam esse Divinitatem* : locum hunc autem ex ipso refert : *Erat lumen intellectuale , ante lumen intellectuale . Erat semper Mens Mentis luminosa . Et nihil aliuderat , quàm horum Unitas , & Spiritus omnia continens . Extra hunc non Deus , non Angelus , non substantia ulla alia . Omnium enim Dominus , & Pater , & Deus , & omnia sub ipso , & in ipso sunt . Nam Verbum ejus perfectum existens , & sæcundum , & opifex , lapsus in sæcunda natura , & aqua sæcunda , prolificam fecit aquam* . Hæc assertit ex Trismegisto Suidas . Ægyptii verò a Trismegisto , seu veriùs ab Ebræis edocti , primo rerum Principio , ut refert Damascius Platonicus , ter acclamabant : quod & Seraphim faciunt Isa. VI. 3. *dicentes , Sanctus , Sanctus , Sanctus* &c. Atque , in veteri Theologia Egyptiorum , Chaldeorum , Græcorum , quod doctè probat Eugubinus lib. 1. de perenni philosoph. constat , Patrem appellatum , summum Bonum : Filium , Mentem , & Opificem : Spiritum , Animam Mundi . Ad hujusce Mysterii notitiam ab Ebræis acceptam referimus , quæ de tribus Numinibus , aut Hypostasibus , circa quas sint omnia , scripsit Plato in Epist. ad Dionysium , obscurè , ac per ænigmata , ut ipse fatetur , *ut , si quid epistola ponto , vel terra perpeffa fuerit , qui legerit , non intelligat* . Probamus autem interpretationem Porphyrii , qui ejus epistolæ sensum his verbis edisserit : *Usque ad tres substantias , sive Hypostasēs , seu Personas progredi Divinam substantiam : idest , habere tres descensus , vel in triplicem numerum se propagare . Esse enim supremum , altissimumque Deum , ipsum per se*

*se Bonum : post eum , & secundum Opificem : deinceps Animam mundi : usque enim ad Animam ( hoc est Spiritum ) procedere Deitatem . Eandem doctrinam , ut poterant , complexos dicimus : Numenium primò , qui apud Proclum celebrat , & laudat tres Deos : primumque vocat Patrem , secundum Opificem , tertium Animam mundi , de tribus autem iis diis hæc ait : Deus primus quidem in se ipse existens est simplex , quod ipse sibi ubique conjunctus est , nec usquam dividuus . At & secundus Deus , & tertius est unus . Secundò Amelium , de quo Proclus idem ait : Amelius triplicem facit Opificem , & Mentem tres , & Reges tres , eum , qui est , eum qui habet , eum qui aspicit . Differunt autem hi , quoniam prima mens verè est : Secunda est quidem intellectuale , quod est in ipso , habet autem ante se , & participat omnino ipsum , & propter hoc est secunda . Tertia verò est quidem , & ipsa quod in eo intellectuale . . . habet autem quod est in Secundo , & videt Primum &c. Tertiò Theodorum , qui apud eundem Proclum , tres dicit esse Opifices : aliumque vocat mentem substantialem , alium substantiam mentalem , tertium Fontem animarum . Quàrtò Plotinum , qui mira planè , & Fidei nostræ , maxime consentanea docuit de tribus Subsistentiis , sive Principiis a Platone positis : de quibus librum integrum scripsit , in quo summum Bonum , ipsamque excellentissimam Unitatem facit primam Hypostasim : secundam ipsam Mentem : tertiam Animam mundi , quam vivificatricem , amatricemque omnis vitæ nuncupat . Quinto Proclum , qui in eo libro , in quo agit de Theologia Platonis , præter alia multa , quibus Trinitatis mysterium adumbrat , de Platonis , immo & superiorum philosophorum Pythagoræ , Aglaophemi , & Orphei sententiâ , tria statuit Principia , Bonum , Mentem , & Animam : quorum Secundum ait a Primo gigni ; Tertium verò esse habitum , seu processum amborum .*

XX. Asserimus præterea ex eadem Ebreorum traditione , & doctrina antiquos philosophos primi nominis in eo consensisse , ut mundum a Deo , non ex æterno , sed in tempore conditum faterentur . Trismegistum in Mundi , atque hominis ipsius creatione describenda cum Mose apprimè congruere . Orpheum quoque eadem sequutum , primamque ejus

Theo-

Theologiæ partem positam in laudibus Conditoris sapientissimi, fecundissimi, potentissimi. Moſen itidem ſequutos Homerum, & Heſiodum, quorum primus terram, & aquam primò condita dixit, ſeptimum diem ſacrum eſſe docuit, quod eo die cuncta perfectæ, completaque fuerint. Secundus verò primum poſuit Chaos: porro Ariſtoteles in libello de Xenophane, Zenone, & Gorgia, chaos illud Heſiodi, ex quo a Deo facta ſunt omnia, *nihil*, eſſe pronuntiat. Nobis Heſiodi ejuſdem Erebus, ipſum videtur *agberv* Moſis: quem in eo etiam ſequutum dicimus, ut Diem Nocte ſatum, proindeque recentiore ſingeret: ſiquidem Moſes veſperinum tempus matutino antepoſuit, ut diem itidem ſeptimum ſacrum haberet: ut Hominem luto formatum, & primorum Hominum vitam noſtra hac fuiſſe diuturniorem ſcriberet. Tandem, ut alia plura omittamus e Moſaïcis libris deprompta; Ate Homeri, Pandora Heſiodi ex Eva humani generis parente efficta eſt. Thaletem quoque, quæ pertinent ad Mundi exordium, ex iſdem Moſaïcis libris accepiſſe dicimus. Hinc nempe Deum definiēbat, quod principio, & fine caret, quod rerum omnium antiquiſſimum eſt: atque hanc ajebat eſſe Mentem, quæ cuncta ex aquis formavit: lucemque tenebris poſtერიorem eſſe ſtatuebat: nam & Moſes poſt tenebras lucem creatam ſcripſit. Eadem ferme aſſerimus de Anaxagora, qui teſte Laertio, Eusebio, Theodoreto, hoc ſcriptioni ſuæ initium fecit: *Omnia ſimul permixta erant: Mens ea in ordinem digeſſit*. Eadem, Jamblichō teſte, de Pythagora, Archyta, & tota Pythagoreorum familia. Plato verò de Mundi opificio ita diſſerit in Timæo, ut Moſem penè ipſum diſſerentem putes: nam & Deum ſupremum rerum Opificem agnoſcit, & Mundum ab eo creatum ad exemplar, ſive Ideam in ejus mente expreſſam: aſtra ad determinanda temporis ſpatia in Cœlo poſita; hominem Dei ſimulacrum eſſe docet. Paradifum voluptatis a Moſe deſcriptum Jovis horto adumbravit, ut notatum eſt ab Eusebio Præp. l. 12. Serpentis hiftoriam expreſſit allegoricè: primorum hominum vitam ita deſcripſit, ut Adami, & Evæ vitam poſſis agnoſcere. Hic igitur eos reſellimus, qui Creationem perpetuò manantem



tem Platoni tribuunt. Sed & Aristotelem hac in re ad Catholicum sensum perducere posse putamus: ea certe diversis in locis loquuti contendimus, quæ præbent, ipsum sive prudentem, sive imprudentem, mundi creationem esse confessum. Plotinum præterea fateri, tempus creatum; de temporis ite exordio aperte, & perspicue scripsisse Porphyrium; Homines a Deo creatos, & in mundum, operum Divinorum spectatores, introductos, dicere Arrianum, & Epictetum; Nata esse omnia, multis rationibus pugnare Jamblichum, aliosque eorum temporum philosophos, affirmamus.

XXI. De Angelis, eaque natura, quæ inter Deum, atque homines intercedit, loquuti sunt præci prisci philosophi, Plato præcipue, & Aristoteles: uterque eos habet, minores quosdam veluti Deos: eorum sedes in Cælo constituit: rebus hominum cures præficit: Cælesti ambrosia, ac nectare pascit: beatos efficit. Triplicem quoque ipsorum ordinem constituerunt Platonici, præcipue Proclusique, tametsi hac in re aliquando labitur, & a vero, & Catholico sensu aliena quædam loquitur; multa tamen habet eorum similia, quæ in lib. de Cælest. Hierarchy traduntur a Dionysio, ejusque vestigiis, magis etiam, quam Platonis ipsius, videtur insistere. Quod & Damascium Platonice fecisse credimus, cujus illa sunt de minoribus Diis: *similiter item dicat quispiam, & multas, quæ videntur esse, vitas, irradiationes esse vitales, ab una vita subsistentes, præmanantes in omnia viventia. Multasque item missiones secundum radiationem ab una substantia, procedentes in omnia, quæ sunt. Quid multis, quando & Deos multos hi omnes fere, qui ante Jamblichum floruerunt Philosophi sic statuunt; unum quidem super substantialem Deum dicentes, alios substantiales esse; radiationibus ab Uno deificatos &c.*

XXII. Dæmones mali sunt; Trismegisti sententiam, malorumque suasores, atque auctores decipiunt; illudunt, a Deo puniendis hominibus, tanquam carnifices adhibentur. Empedocles apud Plutarchum dæmones, ut nequam, & improbos, scelèrum dare poenas, totoque mundo exagitari, undique repelli, nusquam admitti, scriptum reliquit. De ipsorum casu scripsit Pherecydes. Dæmonum principis cuiusdam scelestissimi, & malorum omnium architecti meminit Zoroastres. Eos gentem æriam, maleficos, feras, agrestes, stygios

cænes, impiorum carnifices, vocarunt, præter Poetas, etiam Pythagoras, Plato, Aristoteles: eosque dixerunt, præsidere incantationibus, malis affectibus delectari, domiciliisque impiorum: immo & transferre sese quandoque in Angelos lucis.

XXIII. Immortalem Hominis animam confessi sunt poetæ antiquissimi Orpheus, Homerus, Epicharmus, Pindarus, Euripides, Aratus, imprimis vero Phocylides, cujus illa feruntur:

*.. Vivunt animi semper, sine morte, senectaque.*

*Defunctis superest vita, & dii deinde creantur.*

*Incorrupta manet anima nam luce carentum &c.*

Ex Philosophis apertè, & perspicuè Trismegistus, Thales, Phærecides, Pythagoras, Plato, eorumque familiæ. Aristotelem idem sensisse, ajunt Theophrastus ejus tot annis auditor, successor in docendo, & librorum heres apud Laert. lib. 5. in vit. Theo. Ficinum in com. ad opusc. Theo. de Phantas. & Intel. Patritium tom. 1. disc. Perip. l. 10. & 12. Hermias Aristotelis itidem auditor apud Suid. Plutarchus lib. 5. de placit. Phil. c. 25. Themistius 3. de an. cap. 28. 31. 34. 35. 36. &c. Ammonius Sect. 4. & 5. Perihermen. Philoponus 1. de an. com. t. 66. 2. de an. c. t. 21. 3. de an. c. t. 20. Simplicius 1. de an. com. t. 65. & 66. 2. de an. t. 21. 3. de an. t. 7. 120. 391. Porphyrius de abst. ab esu carn. l. 3. Boethius 3. de an. c. t. 20. Plethon apud Coelium Rhodigin. l. 3. ant. lect. c. 2. Algazeles lib. 1. tr. 5. c. 11. lib. 2. tr. 4. c. 5. Avicennas 6. nat. tr. 5. c. 4. Averroes 3. de an. com. t. 5. digress. part. 2. item t. 36. & 12. met. com. t. 17. Albertus Magn. 2. par. sum. de hom. de nat. & orig. an. tr. 2. c. 5. 6. &c. 2. de an. com. t. 21. 3. de an. tr. 2. c. 4. 12. 20. D. Thomas 3. de an. com. t. 20. 2. cont. Gent. c. 79. &c. Qu. dis. qu. de spir. q. 2. a. 14. 1. p. Sum. q. 75. a. 6. 8. phys. t. 45. Scotus Quol. que. 21. Mittimus Alensem, Ægidium, Durandum, Euginum, aliosque recentiores innumeros, homines intelligentissimos, atque doctissimos, qui id ipsum de Aristotele confirmant: & meritò sanè: contendimus enim cum in aliis Philosophi hujus operibus; tum verò præcipuè in libris de Anima loca esse complura, quæ id apertissimè evincant.

XXIV. Quæ de futuro Mundi excidio leguntur in sacris Literis; ea, teste Athenagora, Stoici præcipuè docuerunt. Idem de

Græ-

Græcis, aliarumque gentiû sapientibus, nominatim autê de Heraclyto, & Empedocle testatur Eusebius. Extat Ovid. 1. Met. & Lucan. 1. Pharf. locus illustris in hanc sententiam. Idemquê cecinit Lucretius l. 5. poeta melior, quàm philosophus.

*Una dies dabit exitio, multosque per annos*

*Sustentata ruet moles, & machina mundi.*

*Nec me animi fallit, quàm res nova, mira que menti*

*Accidit exitium Cœli, terræque futurum.*

XXV. Super æternis bonorû præmiis, malorumque suppliciis idem consensus cùm Poetarû, Orphei, Homeris, Pindari, Sophoclis, maxime verò Phocilidis, qui communem hominum anastasiim, utique ex Ebræis, cognovisse visus est: sic enim cecinit.

*... brevi e terra speramus scandere ad auras :*

*Defunctis superest vita, & dii deinde creantur.*

Tum etiam Philosophorum, Trismegisti, Pythagoræ, Platonis, qui ultimus, homines iterum ad vitam esse revocandos non obscure innuit lib. 10. de Repub. ac deinde lib. 12. reddituros quosque de factis propriis rationem disertè affirmat, bonos quidem cum fiducia, malos autem cum trepidatione summa. Præterea in eodem lib. 10. de Repub. proborum hominum animas Deo ipso frui debere: itidemque in Phædone: in quo dialogo Cœlestem Patriam ad eam fere imaginem describit, quam nobis exhibuit in Apocalypsi Jo. quorû similia in Psalmis, aliisque antiqui Fœderis libris, ex quibus verisimile est descriptionem suam concinnasse Platonem. Animas autem easdem, antequam in eum locum perveniant, ab omni prorsus peccati macula expiandas, ac perpurgandas esse docet in Phædro, & in Timæo. Contra vero nefariorum hominum animas mergi in Tartarum, atque inde nunquam egredi, sempiternisque urgeri suppliciis. Eadem doctrina apud Jamblichum in lib. de Myst. Nihil, inquit, fert secum anima tendens ad alteram vitam, quàm probitatem, vel improbitatem, quæ plurimum prodesse, aut obesse defuncto noscuntur. Atque anima quidem proba cum Deo habitat, per Cœli regiones beatas invelta. Quæ verò sese factis impiis contaminavit, impietate, impuritatemque sordescens, proficiscitur ad judicia subterranea, meritis pœnis deputanda. Ob quam causam conandum est in hac vita, dum licet, & datur,

vir-

virtutem, sapientiamque indispisci. Palchrum enim est præmium; & spes ingens. Audendumque ei, qui in hac vita moratur, ut omnes voluptates, corporeaque ornamenta, tanquam aliena a se abiciat, non alieno, sed suo cultu animum vestiens, sapientia, justitia, reliquisque virtutibus; sicque expectet prosecutionem ad alteram vitam, velut abiturus, cum necessitas tulerit. Quod cum ita sit, non magnis pecuniarum acervandarum curis astuandum, non gloriæ, non ambitionis, sed prudentiæ, veritatis, & animi, ut sit quàm optimus, studium capeßendum. Neque enim fas est, quæ vili æstimari debuissent, plurimi facere: neque rursus, quæ magno in pretio decuisset haberi, nihili pendere. Non corporum igitur, & opum, sed animi &c. Eadem pariter de malorum poenis, ac felicitate bonorum, post exactum vitæ curriculum, reperies apud Plutarchum, Tullium, Senecam &c. Verùm hæc hætenus: nunc, quæ Eminent. Principis munificentia est, Auditoribus nostris ipsum Zeteticæ Scholæ Systema exhibemus: quod ex pervetustis quibusdam Medicæ Bibliothecæ codicibus ab Jano Toscanini Florentino, Theologo, & linguarum Ebraicæ, ac Græcæ perito non ita pridem expressum, & informatum; hic Romæ ab ejus amicis novissimè editum est. In quo Systemate, sicubi Scriptor hic eadem, quæ nos in his thesibus, indicia sequutus aliquid ab Ethnicis Scriptoribus accipit; nihil, ut jam ostendimus, Ebræis alienum attribuit, sed, quod ipsorum proprium est, dumtaxat restituit: nec Pythagoræ, Platonis, ac reliquorum philosophorum placitis Zeteticam doctrinam infuscat, aut ullo modo depravat; sed contra potius doctrinâ Zeteticâ veterum philosophorum placita illustrat, revocataque ad ipsum illud exemplar, ex quo primum expressa fuerunt, corrigit, atque castigat. Sed age, ipsum audiamus.